

كلمات انتي غير

كل مقامٍ له مقالٌ و فيك يا بنت الأصول
لازم إتصير القصيد غير .. لأنك إنتي غير
يلّي حسنك لو تراه الشمس يغشاها الدهول
والقمر لو ماهو شاعر لجل عيناك بّيصير

إنتي غير و من غلاك إن جيتي يالغفّ الخجول
كيف ما نفرش لخطوة رجلك الدنيا حرير
وإنتي إسم لا إكتبوه امن الفخامة والقبول
الورق يصبح مدينة والقلم يمشي أمير

يا هلا بك وإن لفيتي ناعمة قَدّ و طول
و بعبون ناعسات و وجه أصفى من الغدير
بك تفاصيل الملامح كنها يا مريم تقول
يسعد الله هالجمال الراقي الترف المثير

وش على زينك يا مريم لو به إحتارت عقول
وش على طيب إمعناك إن صار كل قلب أسير
وانتي كلك يا إختصار الزين لي شرحه يطول
حاجة بين الممكن اللي مستحيل إنه يصير

إقبلي يا بنت أبوها و خلفك أمجاد و خيول
يَ أجمل أشعار أبو راشد.. ياسنا البدر المنير
ألف سبحان اللي صوّر ويا صلاته ع الرسول
يا شبية هند و ضي عيونها و حُبها الكبير

يسعدك ربي بـ خالد نسل و أفين الأصول
اللي يستاهل غلاك العذب و بّحُبك جدير
الشهم سَمح المحيا يللي نظراته تقول
إنك بقلبه يا مريم حب و لعينه نظير

يا عسى الأفراح تملا عمركم عرض و طول
في حياة بالسعادة مقله بّحب و خير
عدّ نجمات السما و ما جادت الغيمة هطول
و عدّما صلّو الخلايق ع النبي الهادي البشير